

Informasjon om følgjekort (ledsagerbevis)

Formål

Formålet med følgjekortordninga er å gje funksjonshemma med behov for bistand, same moglegheit som resten av befolkninga til å delta i samfunnet utan å måtte betale dobbel pris/ inngangsbillett. Følgjekortet er ein dokumentasjon på behovet for slik bistand.

Ordninga skal auke tilgjenge til offentlege kultur- og fritidsarrangement. Med utgangspunkt i den offentlege kulturpolitikken vert det utvida kulturomgrepet lagt til grunn. Det gjeld då kultur- og fritidsarrangement medrekna idrett- og friluftsliv. Ein ønskjer at bruk av følgjekort skal vere med å førebygge isolasjon og på den måten bidra til auka livskvalitet.

Ordninga omfattar personar med funksjonshemmingar som vil vare minst 2-3 år. Den funksjonshemma kjøper sjølv ordinær billett, og vedkommande får ta med seg sitt følge gratis. Ordinær billett er den til ei kvar tid gjeldande pris for ein person. For ein funksjonshemma som er trygda og har honnørkort, vil ordinær pris bety honnørpris på dei stadene som har innført honnørpris ordninga. Ordninga gjeld også offentlege transportmidlar.

Følge

Den funksjonshemma vel sjølv kven han/ ho vil bruke som følge frå gang til gang, for eksempel ein ven, eit familiemedlem, eller støttekontakten.

Følgjepersonen må være 16 år.

Følgjekort er eit identifikasjonsbevis for funksjonshemma som treng følge for å kunne nyttegjere seg av kultur- og fritidstilbod. Ved å vise følgjekortet i billettluka når billett kjøpast, går følgjar gratis. Kortet med namn, adresse, fødselsdato og bilde blir utstedt av kulturavdelinga. Kortet bekreftar at korthaldar er avhengig av følge.

Kven kan søkje?

Personar med psykisk- eller fysisk funksjonshemming som har behov for følgje, kan søkje.

Det vert ikkje gjort økonomisk behovsprøving i samband med vurdering av søknaden, og ordninga er ikkje knytt opp til om vedkommande er trygda.

Ordninga gjeld for personar med varige funksjonshemmingar. Det vil seie at ei midlertidig sjukdomsperiode ikkje kvalifiserer for følgjekort. Som varig reknast funksjonshemmingar som vil vare minst 2-3 år. Svekka helsetilstand på grunn av høg alder kvalifiserer ikkje nødvendigvis for følgjekort.

Søknadsskjema

Det skal søkjast på fastsett skjema som skal innehalde følgjande opplysningar:

- Namn, adresse og telefon
- Bustadadresse, fødselsdato, type funksjonshemming og grunngjeving
- Stad, dato og underskrift av søkjar eller eventuelt hjelpeverje
- Passbilete eller vanleg bilete med ansiktet i passliknande storleik

Har ein brukar behov for følgje av to personar, noko som sjeldan førekjem, må det føreligge legeattest frå primærlege.

Etter at søknaden er godkjent, blir skjemaet arkivert og forsvarleg oppbevart.

Varigheit

Følgjekortet gjeld fram til kommunens fastsette dato for fornying/ vurdering av kortet. Vi utsteder følgjekort for 3 år om gangen. Vaksne med varig funksjonshemming kan få inntil 10 år.

Kvar kan følgjekortet brukast?

Følgjekortet kan brukast alle stader som har akseptert ordninga og kor inngangspengar krevjast.

FØLGJEKORT (LEDSAGERBEVIS) FOR PERSONAR MED FUNKSJONSHEMMING - RETNINGSLINER

Oppdatert februar 2016

1. Formål Ordninga med følgjekort skal vere eit verkemiddel for å førebyggje isolasjon og dermed medverke til auka livskvalitet for den funksjonshemma. Ordninga med følgjekort vil omfatte personar som har ei funksjonshemming som vil vare minst 2-3 år. Ordninga vert vedteken og administrert av bustadkommunen, men er gyldig for heile landet på dei stadene som aksepterer ordninga.

2. Funksjonshemming Med funksjonshemming meiner ein at det er eit mishøve mellom individet sine føresetnader og krav frå miljøet og samfunnet si side til funksjon på område som er vesentlege for å etablere og halde ved lag eit sjølvstendig og sosialt tilvere.

3. Følgje Følgje er den som til ei kvar tid er med den funksjonshemma for at denne skal kunna oppnå målet med ordninga.

4. Følgjekort Eit følgjekort er eit dokument i form av eit kort som vert skrive ut til den funksjonshemma. Beviset skal gje den funksjonshemma sitt følgje fritt tilgjenge til offentlege kultur- og fritidsarrangement og offentlege transportmiddel som den funksjonshemma ikkje kunne ha delteke i eller nytta utan følgje. Følgjekortet vert skrive ut gratis av den kommunen søkjaren bur i, og nedre aldersgrense for søkjarar er normalt 8 år.

5. Søknad Den funksjonshemma søker heimstadkommunen på fastsett skjema om følgjekort. Søknaden skal innehalda passfoto. Ved behov kan ein innhente utsegn frå primærlege, legespesialist, offentlig helseinstitusjon eller kommunen sin helse- og sosialetat om at søkjaren treng følgje.

6. Periode Kommunen vurderer kor lenge kortet skal vare når det vert skrive ut, perioden kan vere tidsavgrensa eller varig. Det skal stå på kortet kor lenge det varer.

7. Bruksområde Følgjekortet gjeld som tilgjenge til dei aktivitetar, bygningar, transportmiddel mm som aksepterer ordninga. Det offentleg fastsette symbolet bør setjast opp på stader som aksepterer ordninga. Ordninga er landsdekkjande og kan brukast over kommune- og fylkesgrensene.

8. Klage Vedtak om å innvilge eller avslå søknad om følgjekort vert å sjå på som enkeltvedtak. Dette vedtaket kan med heimel i Forvaltningslova § 28, 2. ledd klagast inn til det kommunale klageorganet



Aukra kommune
Kulturavdeling

Søknadsskjema – Ledsagerbevis

Eit ledsagerbevis er eit dokument i form av eit kort som vert skrive ut til den funksjonshemma. Følgjekortet skal gje den funksjonshemma sitt følge fritt tilgjenge til offentlege kultur- og fritidsarrangement og offentlege transportmiddel som den funksjonshemma ikkje kunne ha delteke i eller nytta utan følge. Følgjekortet vert skrive ut gratis av den kommunen søkjaren bur i, og nedre aldersgrense for søkjarar er normalt 8 år.

Namnet til søkjaren	Fødselsdato
Adresse	Postnr. / Poststad

Grunngjeving for søknaden

Stad / dato	Underskrift
--------------------	--------------------

Legg ved passfoto!

Søknad sendast: Aukra kommune, Nyjordvegen 12, 6480 Aukra